



অবিলম্বে প্রকাশের উদ্দেশ্যে: 5/3/2022

গভর্নর ক্যাথি হোকল

## লেফটেনেন্ট গভর্নর হিসেবে রিপ্রেজেন্টেটিভ অ্যান্টোনিও ডেলগাডোর নিয়োগ ঘোষণা করেছেন গভর্নর হোকল

গভর্নর ক্যাথি হোকল আজ ঘোষণা করেছেন যে তিনি নিউ ইয়র্কের লেফটেনেন্ট গভর্নর হিসেবে দায়িত্ব পালনের জন্য রিপ্রেজেন্টেটিভ অ্যান্টোনিও ডেলগাডোকে নিয়োগ করেছেন। রিপ্রেজেন্টেটিভ ডেলগাডো সম্প্রতি নিউ ইয়র্কের 19তম কনগ্রেসনাল ডিস্ট্রিক্টের প্রতিনিধিত্ব করেন, যার মধ্যে হাডসন ভ্যালি এবং ক্যাটসকিলস অন্তর্ভুক্ত রয়েছে। ডেলগাডো আফ্রিকান-লাতিন, প্রথম অশ্বেতাঙ্গ ব্যক্তি হিসেবে কংগ্রেসে আপস্টেট নিউ ইয়র্কের প্রতিনিধিত্ব করেন এবং তিনি একইসাথে ব্ল্যাক এন্ড হিস্প্যানিক কনগ্রেসনাল ককাসের সদস্য।

"নিউ ইয়র্কের লেফটেনেন্ট গভর্নর হিসেবে, একজন অসাধারণ নেতা ও জনসেবক অ্যান্টোনিও ডেলগাডোকে নিযুক্ত করে আমি গর্বিত, এবং স্টেট জুড়ে কমিউনিটিগুলোর জন্য ন্যায্যতা, সমতা, ও অগ্রগতির দিকনির্দেশ দিতে আমি তার সাথে কাজ করার অপেক্ষায় আছি।"

**বলেছেন গভর্নর হোকল।** "নিউ ইয়র্কবাসীদের প্রয়োজন পূরণের জন্য আমরা একসাথে কাজ করার বিশ্বাস ধারণ করি, এবং রিপ্রেজেন্টেটিভ ডেলগাডোর কংগ্রেসে এমন অবদান রাখার চমৎকার নজির রয়েছে। অ্যান্টোনিও ডেলগাডো আমার পাশে থেকে লেফটেনেন্ট গভর্নর হিসেবে কাজ করার মাধ্যমে, আমরা একটি ইতিহাস গড়ে তুলবো - এবং একটি পার্থক্য করবো।"

"নিউ ইয়র্কবাসীরা এমন একজন লেফট্যানেন্ট গভর্নর পাওয়ার যোগ্য যিনি কর্মজীবী মানুষ ও তাদের পরিবারের জীবনকে আরো উন্নত করতে দিন-রাত কাজ করেন," বলেছেন **রিপ্রেজেন্টেটিভ ডেলগাডো।** "আপস্টেট, ডাউনস্টেট, কোনো ব্যাপার নয়। আমরা সবাই একই জিনিস চাই, নিরাপত্তা, পরিবার, ও সুযোগ। মূল কাজটি হলো সর্বস্তরের নিউ ইয়র্কবাসীর কথা শোনা এবং উদ্দেশ্য সফল করতে তাদের পক্ষে আওয়াজ তোলা।"

আপস্টেট নিউ ইয়র্কের স্থানীয় বাসিন্দা, রিপ্রেজেন্টেটিভ ডেলগাডো স্কেনেকটেডিতে বেড়ে উঠেছেন এবং তার স্ত্রী, লেসি, ও আট বছর বয়সী দুই জমজ সন্তান, ম্যাক্সওয়েল ও কোলট্রেনকে সাথে নিয়ে রাইনব্যাকে থাকেন। তিনি কোলগেট বিশ্ববিদ্যালয়ে পড়ালেখা করেছেন এবং অক্সফোর্ডে পড়ার জন্য রোডস স্কলারশিপ পেয়েছেন। এরপর, তিনি হার্ভার্ড ল স্কুল (Harvard Law School) থেকে আইন বিষয়ে ডিগ্রি লাভ করেন, যেখানে তার সাথে লেসির পরিচয় হয়। তিনি একজন তরুণ আইনজীবী হিসেবে কিছুদিন নিউ ইয়র্ক সিটিতে বাস করেন।

তিনি কংগ্রেসে তার ভোটারদের সেবা প্রদানের উদ্দেশ্যে লড়াই করেন - পারিবারিক খামারগুলোর জন্য ত্রাণ সরবরাহ করা, ক্ষুদ্র ব্যবসায় পুনর্নির্মাণ ও টিকে থাকার সংগ্রামে সাহায্য করা, নির্মল জ্বালানী খাতে কর্মসংস্থান সৃষ্টি করা, এবং আমাদের ভেটেরানদেরকে সহায়তা প্রদান। কংগ্রেসে, নিউ ইয়র্কবাসীর প্রয়োজন পূরণের উদ্দেশ্যে তিনি উভয় দলের সাথে কাজ করেছেন। তিনি উভয় দলের প্রেসিডেন্টের কাছ থেকে 18টি বিলে স্বাক্ষর নিয়ে সেগুলোকে আইনে পরিণত করেন। তিনি কয়েকটি জটিল পুনর্গঠন পাস করান যার মধ্যে রয়েছে শিক্ষার্থী আইনের ক্ষেত্রে আর্থিক সুবিধাসমূহ শক্তিশালী করা, এবং মনোযোগের কেন্দ্রবিন্দুতে না থাকা ভেটেরান আইনের ক্ষেত্রে সুবিধাসমূহের উন্নতি করা, কমিউনিটি আইন ও ক্ষুদ্র ব্যবসায় ত্রাণ প্রাপ্যতা আইনের ক্ষেত্রে সরাসরি সুবিধা প্রদান করা।

রিপ্রেজেন্টেটিভ ডেলগাডো তার দুই মেয়াদে 19তম ডিস্ট্রিক্টের 11টি কাউন্টি জুড়ে 65 টিরও বেশি টাউন হল পরিচালনা করেছেন। রিপ্রেজেন্টেটিভ ডেলগাডো স্বচ্ছতা ও প্রাপ্যতা নিশ্চিত করতে প্রতিশ্রুতিবদ্ধ, এবং NY-19 এর জন্য গুরুত্বপূর্ণ অগ্রাধিকার অনুযায়ী চারটি দ্বিপাক্ষিক, স্থানীয়-ভিত্তিক উপদেষ্টা কমিটি তৈরি করেছেন, যার মধ্যে আছে ক্ষুদ্র ব্যবসা, কৃষি, স্বাস্থ্যসেবা ও ভেটেরান কমিটি।

তিনি 2018 সালে কংগ্রেসে প্রথম নির্বাচিত হন। রিপ্রেজেন্টেটিভ ডেলগাডো কমোডিটি এক্সচেঞ্জ, এনার্জি ও ক্রেডিট বিষয়ক হাউজ এগ্রিকালচার সাবকমিটির (House Agriculture Subcommittee on Commodity Exchanges) সভাপতি, এছাড়াও তিনি হাউজ স্মল বিজনেস এন্ড ট্রান্সপোর্টেশন এন্ড ইনফ্রাস্ট্রাকচার কমিটিতে (House Small Business and Transportation and Infrastructure Committees) কাজ করেছেন।

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)